



文亭釋書

七

廿六

特別
八4
5587
5





元亨釋書卷第七

濟北沙門 師鍊 撰

淨禪三之二

慧日山辯圓



東福寺
印山圖尔

釋辯圓字圓爾以字行姓平氏駿州葉科人
母稅氏夢舉手採明星光因而孕其後常夢
青衣之女相隨從母疑怪詣郡之父能山棄
辯法師欲決所疑先見壁間有畫像與夢女
無少異則問曰此像何神辯曰大辯才天女

也母曰妾有身而夢此天女常相隨何辨曰胞中恐聖子乎蓋天女侍衛耳母喜而曰產若無恙願投師不敢置塵中也至九月胎中有聲建仁二年十月十五日出時生金光照室適新雪鋪庭明年冬天雪兒指雪問母是何母曰雪也兒曰我誕時有此雪五歲母蹈先言入辯之室過十齡早學台教一日厠止觀講席至故四諦外別立法性之句講師滯陸兒進前解釋詞義渙然講師嘆曰是處前

哲猶病童稚機辯殆乎宿習與時年十五次歲終三大部十八雜髮於園城寺登東大寺戒壇又入洛都潛聽外學一日猛省曰我居講肆雖研究大小權實徒等沙而已乃出三井徃野刈長樂寺從榮朝問別傳之道朝者建仁西公之上足也初由得啟虛室禪門大戒之圖爾就而受之兼瑜伽三部之灌頂經年而歸父能山有見西闍梨蘊密宗之秘印見爾欣然而全付焉益臻秘奧爾游相陽寓

壽福寺住持行勇建仁之徒也爾講叔姪之
禮勇請待甚渥有了心者其徒之彥也精首
楞嚴啓講於客位爾預聽屢加難問心煩解
荅爾思念今其東方學者以心爲魁而淺易
如此我其誰寄哉不若入宋地自是企遯涉
之志鶴崗八幡神祠開八講席講衆以爾之
深教棄延爲證義有賴憲僧正園城之義虎
也時稱三井大鏡與爾徵詰憲屈爾笑而曰
久嚮大鏡是鏡非鐵者恐瓦乎一會作色憲

顧衆曰莫訝也是智人之言又指我痕瑕也
爾看大藏四更涼燠嘉禎元年泛海十寅夕
而著宋明州界即理宋端平二年也先寓城
之景福律院聽月宗主之開遮不幾入天童
山禮癡絕冲漸達都下跨天竺寺月栢庭門
質徃具之旨栢庭證前學即授台宗相承之
圖并付自撰楞嚴楞伽圓覺金剛四經疏鈔
於時笑翁堪領淨慈石田薰主靈隱爾徃來
二開士之門適寧退耕典北山之賓與爾善

語曰：輦下諸名宿子已參遍。然天下第一等宗師只無準。範目子何不承顧盼乎？依是登徑山。佛鑑一見器許，未浹旬侍巾瓶。晨昏參請，優柔飫厭。會中皆大龍象也。保寧覺即菴掛牌開室。日東山慧西巖爲兩板首。爾周旋三老而請益。倫斷橋智別山一環溪敬簡翁源靈叟。圻方菴寧元菴曇希叟之儔。預辨衆事。爾咸莫逆。頗受磋磨之功。五峯煨餘佛鑒坐瓦礫場。轉大法輪。然天下指凌霄爲甘露。

之正門。蓋又得人之多矣。敬叟簡棲飛來之北礪。望高一時。爾往謁北礪曰：徑山孰不立文字之柄。拂你知解之塵。吾猶何言乎？延爲上賓。佛鑒從容語曰：女學海浩渺。比來我竹篋下一時乾枯。侂日歸本國。必於無涓滴處橫起波瀾。豈無勝幢發揮吾道須踵從上乃祖遺芳。永利未來際。淳祐元年四月辭佛鑒。鑑出密庵師祖法衣并自贊頂相與之。諸友送至山下。特湘絕岸欽雪巖二人眷眷來行。

在仲夏發四明孟秋著博父本朝仁治二年
辛丑也居崇福承天兩寺盛倡祖道大宰府
有勝藍名觀世音寺歲首行驅儼其日捕寺
之四傍路人頭蒙鬼面身披彩服名為儼鬼
引過殿庭此夜闔府男女入寺打是鬼為驅
儼鬼甚困極國俗自古有之以故觀世音寺
四畔此日無行人他州旅客往往來此就捉
府之橫嶽山有湛慧明顯密多異迹適過是
境僕曰今日觀音寺驅儼也師恐遭追捕乞

從別路慧曰戒德之士豈有之哉果執慧行
鬼事初大相國藤道家為天福帝外祖德望
重當時三子皆登宰輔其第二子良實時持
鈞軸奉佛甚勤元聞慧名其徒勸慧赴藤府
訴鬼事藤相驩慧來諮詢宗教酬酢詳明宗
門顯密出入泛濫藤相大喜曰大相國大相
國延見果如藤相言大相國問曰上人師誰
得此智辯對曰我師圓爾頃者入宋得徑山
佛鑑禪師佛心宗正印見今任崇福承天兩

刹唱直指之道相國猶稱我況我師乎大相
國乃使使招爾二月入京師大相國於光明
峯別墅延爾問道恨相知之晚也就而受禪
門大戒兼秘密灌頂正嘉元年寬元上皇於
龜山宮受禪門菩薩戒留宮七日敷宣法要
上皇自持黃金扇與爾帝者之手授古來寡
儔也文永九年上皇不豫勅爾侍病陪宮逾
旬十年冬天子敕藤丞相實經大相國第召
爾受禪門菩薩戒建治元年文應上皇於龜

山宮談三教微旨二年寶治上皇受菩薩戒
文應上皇又入宮問禪要藤相國兼經屈爾
講宗鏡錄及會性相碩師為聽徒圍憲回心
守真理圓皆一時之英髦也輦下指為未曾
有勝集近衛藤相國受菩薩戒堀河源太師
詢三教大旨爾述三教要略呈之菅諫議為
長出業偉才為時儒宗嘗曰三教之於震且
也隨時陟降此土儒學不及釋之遠矣是摺
紳之耻也常奮之聞爾之粹於釋門頗志抗

衡大相國聽菅之言欲見其能爲異日與爾
道話莊嚴藏院諫議來謁大相國爲地也寒
溫已大相國曰菅公本朝大儒常銜釋歷儒
今兩雄相遇輸贏可占耳爾曰承聞菅公從
事儒術是不諫議色莊而曰然爾曰我法之
中佛佛授手祖祖相傳不因師授爲虛設焉
以故某自世尊五十五世達磨以來二十七
葉強弩之窮矢雖不穿魯縞猶以糸受稱釋
子以釋例儒恐亦當然不知公於孔子幾世

乎諫議拊口而退謂人曰我欲與爾師角道
義彼以世系爲言也而我已陷重圍中耳爾
赴相州館龜谷山副元帥平時賴延府裏受
禪門菩薩戒平帥問曰今諸方說法各別或
曰妄心緣起而有生滅真心不動不生不滅
或曰大疑下有大悟或曰學者須看念起謂
之眼光返照未審那箇親那箇疏對曰這裏
何所在說疏說親帥曰豈無方便爾曰說似
一物即不中帥領之而已又乞衣曰願莫忘

弟子之外護文應元年寧元菴入朝平帥於菴有所得寄書於爾曰弟子見元菴始知師之鉗鎚妙密也延曆寺座主大僧正慈源時時問顯密奧秘睿山靜明聞爾善台教諮四種三昧兼探別傳之旨爾之剖析皆明之所未聞也明登聽爾曰子未精教觀況我佛祖單傳之正宗豈義學之所跂及哉明伏膺甚自此來往無間作時至論相絕二待爾示以宗門關捩明疑情頓釋起而作禮垂淚曰若

不來見和尚安得窺佛祖玄樞從今世世願不失針芥相宗之尤者良遍稟爾解銓撰真心要訣三卷就乞跋語三論之首回心問二諦之義以爾答爲準初宋淳祐辛巳三月一日五鼓佛鑒召圻爾二侍者燒香而語曰今夜廣澤龍王征土地告汝等二人化導時至龍王定不食言矣圻女近日必有專使不得拒辭爾女早歸本土提唱祖道便授親書宗派圖曰是爲傳法之信其圖畫世尊拈花像於

上左右西天四七東土二三其下南嶽以降
迄無準五十四卅不括橫枝的的繫列系其
終者曰久能爾禪師并付法衣竹杖翌日方
菴果得定慧之請是以山中諸友固爾之本
邦化行又嘆神龍之不徒也爾泛海風浪蕩
漾漂泛洋中發五月朔至六月晦著高麗國
耽沒羅阿私山下近岸猛風俄起共發者三
舶二船已沒爾所乘舡忽有一女人怪之爾
問曰宋舶元無婦人自何來女曰我是八幡

大菩薩也擁護師早言已即隱故無敗佛鑑
臨別自書敕賜萬年崇福禪寺八大字囑而
曰汝取初住院以是為額爾受已白言使時
若庇身茆廬或揭崇福名敕賜二字豈我之
有哉鑒曰女氣宇必為王公欽崇女只將去
不得避遜也爾携而歸先是湛慧就橫嶽山
建精舍聞爾歸即日來請入院開堂仍以佛
鑒所囑崇福為寺號至此合徑山神龍之言
也爾通嗣書於雙徑佛鑒荅書略曰嘗聞日

本教行甚廣而禪宗未振今長老既能堅立
此宗當下一依從上佛祖法式又錄到上堂
語要甚極老懷肥州有學政者與爾語
宋地事三歲而歸領水上山寺及爾還改禪
林請爾同山自居板頭仁治二年秋謝國明
於博多東偏創承天寺與爾領之佛鑒聞新
寺事書承天禪寺及諸堂額諸牌等大字器
之佛鑒書法妙絕故有此送宰府有智山寺
有西州之太講肆也填爾之得化欲毀承天

新寺執事者聞于朝寬元元年敕賜承天崇
福二刹為官寺而息有智山之監寇爾乃高
揭佛鑒所書敕賜大字又協鑒之遠識也爾
已入京大相國卿於城東創大伽藍宏構鉅
材為都下之冠嘗曰我亞洪基於東大取盛
業於興福故名東福寺俗呼新大佛未成光
署爾住持立為禪刹寬元四年大相國以東
福洪營晚成先立普門寺開堂令爾居建長
七年東福開堂正嘉元年平副帥再招爾入

相白皇子征夷大將軍領洛之建仁二年權
之建仁火後諸堂索然爾復佛殿雲堂亟次
舊觀文永八年總州別駕源氏建實相寺參
州延爾為第一祖初大相國迎爾開法崇禮
優異親書聖一和尚四字授之于時國政自
吾出故與此号蓋擬唐代宗賜徑山法欽國
一之例也夫人准后本朝貴婦人賜准后号
其位比皇后之佳稱也
亦聞法要自稱女弟子寬元二年秋還長樂
井故里觀省本師及母氏大相國差備中刺

史行範為宿衛夫人脫羅綺玳服充母之貶
至長樂禮本師榮朝朝拒而不受曰公已傳
龍淵正派我豈堪拜哉只喜長壽并得相見
龜谷山榮西創之禪規未全爾之重入相陽
平副帥命行叢矩於是住持處偏室爾南面
而行事鐘鼓魚板一時改響蓋以爾之遍歷
臨安諸刹諳熟儀法也文永六年敕領東大
寺幹事囊正嘉始有是授辭不受至此朝旨
嚴切而不得已東大之幹以周州元其費州

務瞻饒庸緇管之視利益功故撰名宿當此
任亦國法也以爾之道望朝廷強授及主尊
勝大王法成等寺化皆德廣所覃也弘安三
年春示微疾又夏重移常樂庵文應上皇遣
官醫脈病圓明^至丞相入山問疾輒經信宿秋
少羣衆皆喜爾曰霜葉暫休寒豈久之乎十
月朔鳴法鼓集衆於庵祝聖畢宣出世始平
詞激切終召大衆曰卻後十五日望返本寺
法堂寶華王座上說末後句入大涅槃便下

座十四日晚^何侍僧昇歸寺後顯等曰和尚
老病淹羸舉動風冷恐不便身相議而不許
望且兩序耆舊詣菴問訊爾曰我今朝欲於
法堂入涅槃而後顯等不聽公等願與我歸
寺板首以下同^顯議至暮普門慧曉爾性三
弟子乞^顯頂授之十六日^日灑掃房宇晚間
客來黃昏果越後之無^傳至爾之徒住^院者
也聽爾病馳省爾披安陀會而坐^傳燒香作
禮爾曰寂後相見致九拜^傳還^此爾以相別

二十年與傳曰十九年早爾微笑曰子未知
滿數也又曰我去望還本寺法堂欲留涅槃
諸徒不可以到于今也與子相見旦暮矣然
我不出今夜而已又馳使圓明丞相告辭久
之又曰今幾時侍僧曰鄉雞唱爾乃上禪倚
諸徒乞遺偈便書曰利生方便七十九年欲
知端的那祖不傳投筆而逝窆壤之後林竹
變白桐樹自枯爾心豁然而性諧調雖沙彌
童行相爾汝可見悲接之一端矣當其偈唱

嚴毅不可犯宏辯無礙性相講師來探別傳
爾先詰其所業彼早屈爾曰子未委教乘豈
堪聞直指乎以故伏人者多而禪化成不然
講徒蠹蛀殆乎不建焉堂舉侶理致機關向
上三宗旨故臨亡夜為無傳語之其道契大
相國之深矣故其嗣圓明丞相又如父焉其
疾病時丞相自作告文禱光明峯廟延爾命
其契密如此秋初病少愈者丞相之懇誠乎
文曆初高麗國王聽爾道舉附貢舡齋書幣

求法語爾書宗教之太旨以答之爾商船來
往必信於雙徑佛鑑慰答審切其在徑山雖
居侍位佛鑒不稱侍者只呼爾老徑山後火
佛鑒作疏索援爾白圓明丞相通巨材珍貨
寶治之初承天寺火爾之鎮西國明驩爾來
一日中建十八字凡檀信響應類之正和始
賜謚國師國師之號始于爾矣
贊曰余昔陪
文應上皇御几上堆巨編跪而閱之宗鏡錄

全篇也其終有

寬元帝寶墨曰朕得爾師之此錄見性已了
宸奎爛然時余尚幼以爲慧日之於帝者
也奉奉矣逮修此書見其侍病之事益欽
眷翰之不謬矣建父之間西公導黃龍之一
派只監觴而已建長之中隆師誦唱東壤尚
薄于帝鄉慧日道場君相化洽畿疆禦外
侮而立正宗教綱而提禪綱蓋得祖道之
時者乎

論曰或言爾師辭佛鑑歸付大明錄曰宗門
大事備此書子歸本土以是爲準爾携而歸
故平副帥鑒聞于爾今此書不叙此事恐遺
漏與曰是傳者之妄也蓋爾師歸時將來經
籍數千卷見今普門之書庫內外之書充棟
焉其中有佛法大明錄二十篇是以世人託
言耳予見其書謬妄之甚不可言矣故我通
衡之中掇其尤者非之凡數十條又夫佛鑒
老人揚岐中興正眼洞明寧有斯言乎只其

爾師屢閱群書其間或采大明之相似處資
談柄耳後學不委輒加佛鑑付授之言也今
我舉通衡之一二學者擇焉

入理章曰有真空有頑空空劫以前無相有
覺虛明寂照爲天地之宗此真空也衡曰夫
一大劫有成住壞空四重空劫者四之一也
空劫之稱於是立焉蓋我教之中世界成壞
循環無端前劫之末後劫之初也後劫之終
次劫之始也是以前亦末也終亦始也指定

何時為空劫以前乎只其外境之內有混沌未分天地未開等語吾門諸師取語於彼繼義於此寓言假談之類元無定制圭堂立空劫以前然真空者豈迷是而發言乎夫我門指一念未生時或曰空劫以前或曰威音那畔堂若取之又太惑也蓋真空者如來藏之稱也故楞嚴曰如來藏中性覺真空性空真覺堂分頑空具空者喜然指空劫以前而為真空者非也堂以謂空劫以前冥漠無相是

以名真空也殊不知真空者萬像森列不相妨碍不常空劫成住壞劫常恒不變乃至衆生日用現行皆是真空裏頭之事也唯其不能無不知二字耳堂之言也乖戾甚矣工夫上曰自狗子話入如覺怕怯寧順便可以歸乎止觀又曰自狗子以歸乎止觀乃至行持自有序要須節節高去衡曰吾笑圭堂之言禪不知禪矣夫吾門狗子話幾級何階乎有何階級高止觀而卑狗話哉蓋堂未安止觀

乎我以其言視焉堂自曰初不知有止觀之法後讀文粹得之如何發言之淺略哉堂不學台教只見文粹所載之言蓋能盡止觀乎以之而言堂對於止觀必矣尚未知止觀何其言階級於狗話哉夫止觀者智者之資以見其行門者也精微妙密實可稱焉然與我鐵橛子之狗話不相似乎何也彼止觀各折三焉所謂三止三觀也是即精妙之謂也可以為教門觀修之至要如狗子話何所析焉

乎何所觀焉乎請審析之焉觀之焉若可析可觀者即非狗子話矣非鐵橛子矣又非教外之謂矣若夫台宗之者不窺吾藩籬只崇自宗而發斯言我猶然焉堂已言大明吾宗於世而昧於斯事筆削何哉或言子之書引天台止觀圭旨修證儀為言也子何頻頻提乎曰彼止觀修證之言者行相及治病之相也凡諸三摩提皆一例也若夫提撕之一事吾猶分諸家之涇渭況所得之鷗溝乎雜記

曰楞嚴有大佛二字廣大洞明若此而後之
宗師但言誦佛何哉故是書言真空寂照空
劫無相最妙之佛則稱大佛衝曰主堂以前
處處稱大佛事至此證成焉烏乎惜哉宋地
諸師不辨此書乎若聽其橫行魔黨益熾然
則此書固可有采皆覺說也予檢楞嚴經之
大師者第九卷曰又善男子受陰虛妙不遭
邪慮固足發明三摩地中心愛縣溜澄其精
思貪求契合爾時天魔候得其便飛精附入

口說經法其人實不覺知魔著乃至口中好
言佛有大小其佛先佛某佛後佛其中亦有
真佛假佛男佛女佛菩薩亦然其人見故洗
滌本心易入邪悟此名魅鬼年老成魔乃至
迷惑不知墮無間獄是堂之立為大佛之文
也烏乎堂何見經疏闕乎此大小真假男女
佛者修行之者遭魔魅之語也末代學者恐
逢此惑故如來深悲楞嚴會場欲罷法座迴
紫金山再告大眾說五陰魔事凡五十條堂

不見經已見到此豈不辨魔境邪何其立以
爲大佛惑後學乎蓋堂之書欲立次位設階
級件件昇騰故構大佛之言然無修多羅證
文見至楞嚴總得數句欲爲自證不辨真僞
不考法義惟文惟視取爲證實耳夫取經文
不容易也正宗正說之中猶有真假二法者
吾佛之微旨所謂其義深遠其語巧妙也況
大小佛之言如來已爲魔事爲阿難及未來
學佛之警式堂取之爲證何乎又不知已自

墮昏坑還難諸師曰後之宗師但言諸佛何
哉是立大佛之定實之言也豈所謂迷而不
反者與又堂之大佛之義猶如大自在天生
世間及一切有情之計殊不知一切有情纔
歸真覺也無大小也無真假況男女哉至此
同一佛也誰爲大孰爲小乎若有小大非真
佛也非大覺也堂強立一物置空劫前爲寂
始尊是一計也寧不屬外道平功行章曰如
真空一卷何嘗有二乘鄙但之語自古迄今

學者惟習聞二乘境界矣。今須一振耳目之儒可也。自註曰：正法眼藏之書方是二乘境界。七百年來方發明二乘事。此書大用。尚未離二乘氣習。衡曰：予讀此書初怪笑至此。大懼主室之狂妄。至於此也。彼堂何爲者乎？蓋書發明何事。語自謂見佛果語。有所得而指大悲正法眼藏爲二乘境界。何乎佛果之於妙喜也。無遺漏矣。其正法眼藏者上憲章。從上諸祖中露自證下。蓋後出范模耳。故

字之曰正法眼藏。斥爲二乘者佛果亦是二乘境界也。欲高我書而不知卑其所謂師者乎？我恐受糟粕者尚未幾於二乘哉。然造言曰：七百年來方發明者乘事。其七百年者指普通而言也。我豈堂之三寸耐幾許。犁拔乎嗚呼堂之稱發明者禪門之旨也。而指祖師西來七百年諸師爲二乘堂從何而聞乎？恐非達磨之所傳。與七百年二乘事之言何憑據乎？吾法佛佛授手。祖祖相傳。不知前

言即誑而得乎堂已言得於圓悟語是無師承之歟也是以狂妄庸度品藻吾宗世少正見者矣此書流傳者皆吾門之罪人也度人章揔明四句曰第一二句權法也小乘也第三四句實法也大乘也便言而曰五家宗派為仰獨未幾而無後迄今天下疑其故蓋為仰之大機圓相每以後二句為重則初學如之何承當哉此其所以未幾而遽絕臨際無從獨能以前二句為急耳如便捧便喝

盡人奪境至臨遷化猶曰誰知吾正法眼藏向這瞎驢邊滅終始惟急於前二句學者之見効也速自以為盡其骨髓矣而後二句事則未與之知夫是以一宗亘天下而後咸衡曰嗚呼鄉之笑懼至此團為太愍傷此等之儔世幾乎痛哉狂愚之如是膠固也夫以臨濟為小乘邊事而不知大乘亦以其宗派繁衍為巴人下里天下和之以為仰早誤為陽春白雪唱高和寡者皆無擇法眼之為也昔

吾鼻祖有言我見赤縣神州有大乘氣象故
逾海得得來如堂之言臨際一宗說小乘事
天下尤感者臨濟也達磨何錯見而徒來哉
吾亦思弊處化堂附吾法而作此語欲毀壞
乎不然何如是甚矣哉堂之所謂甚深之法
皆早亡滅淺易之宗長垂萬世豈如來之意
而護法諸天受教之謂乎堂以謂臨濟之人
境奪暗驢滅等語皆遮掃之句也可憐堂之
昧於吾宗乎醍醐上味卻為毒藥者堂之謂

乎夫宗教之傳遠也其又有說矣世俗之起
家者必有勤苦而後其胃繁矣我佛門雖出
世之道而流化之迹不得不然矣是以吾法
福智相資雙行耳其福或亦為悲悲福一事
而兩用也蓋我道之為智也得悲益成故有
悲而後智明有智而後悲通二者相合所以
吾道流衍也三出大士修福起悲也所以滋
智也古來諸祖孰欠二事其間殊特者為稱
耳是以臨濟獨受茲稱焉昔百丈稱參馬祖

遭一噶三日耳聾是臨濟宗之兆乎大雄接
黃檗馮山二子雖同票黃檗獨有吐舌之作
矣臨濟得六十烏藤為破夏之歸省是馮仰
父子及諸家之所無也四海百世所以臨濟
之布護者不其然乎而馮仰父子當其莫證
之時非有子遺矣只其誣表不密耳是所以
數世而絕也譬富家子受財於父其分者同
矣只其珍藏護惜者饗無窮之利散漫放縱
者不父而資竭是馮仰臨濟之異也而其護

惜者非慳悋之謂也散放者非分施之謂也
豈堂之所謂前後大小之謂乎昔禹稷契立
舜朝當時賢聖之質未見優劣也及其遺胤
建國夏商不如周長者稷播百穀之勤効也
臨濟之後又有揚岐黃龍二派黃龍一時之
昌也揚岐似不逮矣數世之後黃龍寢微而
楊岐益盛者何其主金穀之所覃也堂之暗
識漫言法崇庠不足取矣或曰禹鑿九河建
九洲其功非契之比然隻曆短於殷何哉子

之勤劬之談有戾乎曰禹躬受功報登極位
故短於商矣禹若不自有而貽後嗣其系授
之遠非姬周之比矣而禹以人臣一旦陟大
寶而亘四百載血食者豈非過家門而不入
竭力溝洫之木功木勞哉我博見三世佛記
其正像末法者不過壽命之二三倍蓰而已
唯我能仁氏正像二法逾壽者十數倍若其
末法者及來世六萬歲時矣比其命不啻千
萬倍焉是我牟尼老子奚受福之長久哉蓋

三世諸佛因修六度各有所長特吾世尊精
進苦修餘佛之所不及也其事見悲華矣法
華亦曰三千大千世界無有如芥子許非是
捨身命處是末法被六萬歲時之故也三世
諸佛平等一智其間不容毫降只其悲福不
能無別又是因地之願修也故吾言流化之
邇邇者悲福也凡為法檀度者知悲福之所
因不有寂後斷佛種之患矣吾因徵圭堂汎
論此事以證後學或曰楞伽有四等子悲福

之論恐不合也曰不也今之談者化迹也不
言四等矣又堂以道書並吾法而言其錯多
矣吾通衡中彈擊不寡文繁不錄庶幾君子
涂指於此焉

元亨釋書卷第七

予奏釋書或曰子以圭堂楞嚴大佛事載
書有諸曰介曰子論與堂乖矣曰何曰堂
之謂大佛者非第九卷云者也題首之二

字取曰初予疑恐是乎又思堂雖淺易豈
其然乎而今又有斯言焉不得不辨矣夫
題首二字不可破句二字為句也蓋密部
有諸魚佛頂其一也其佛頂都有二十略
有五謂輪蓋光高勝也大字優稱也施諸
佛頂今首楞嚴咒者光聚佛頂也故於經
題云大佛頂其言於灌頂部錄出者是也
堂豈不知之而破句取大佛二字乎然單
見寡聞出不鮮故贅于此矣

元子釋書卷第八

濟北沙門 師鍊 撰

淨禪三之三

宋國祖元

宋正念

宋子雲

宋一寧

三聖寺湛照

禪興寺道流

圓覺寺昭元

東福寺慧流

東福寺順空

南禪寺祖圓

釋祖元宋國慶元府人姓高曾皆衣冠

佛光山覺
開山也

母陳氏夢一沙門抱嬰兒與之乃娘母思煩
苛欲懷胎一夕又夢白衣婦人告曰汝所孕
者佳丈夫也好自保育其詞懇至母雖夢中
而左右侍女又聞此言寶慶二年本朝嘉三
月十八日生時白光照室至于試周之日俗
迎見產暮日行試業猶如本朝三歲試民父母列儒釋墳籍及百
玩好作具見兒自為見微笑而取佛書甫六
七歲就家塾記聞應酬穎脫群兒性沉重偉
雄雖兄弟婢妾不敢仰弄食遺輩羶必避之

或見屠宰切于已十三喪父乃勵志投杭之
南屏山禮堂頭北磻簡雍當年受具十四
趨雙徑拜佛鑒鑑一見許參堂迨十七將
不出雲堂提撕狗子話一夜四更聞首座寮
梵忽爾啓窗便作偈曰一捶打破精靈窟突
出那吒鐵面皮兩耳如龍口如咽等閑觸著
火皇飛呈干鑒鑒更舉香嚴擊竹頌徵之元
湛應對鑒遷化下凌霄謁月石溪於靈隱聞
偃溪於玉几後寓飛來時愚虛堂棲鷲峯菴

无_レ常往來二日堂示禪海波瀾无_レ湏待然適
在_レ忱_レ雁林橫川三名袖之天台堂以偈送之
有相送當門有脩竹爲君_レ莖葉起清風之句
无_レ入來堂舉示无_レ无_レ曰和尚此頌只是閑語
中間無此子巴鼻堂抬起頌子曰這箇漸无_レ
欲進語堂劈面一揮无_レ自是得句語三昧觀
物初主大慈无_レ與_レ有世系又兄事南山思
講信義往而依之發意持淨者二載江湖高
其趣操一時躡井樓打水牽動轆轤忽然得

無礙機用於是乎向佛鑑所示狗子無佛性
話及香嚴擊竹頌又無餘蘊矣始識得佛鑒
妙手之深密時年三十六翌年里人萍鄉宰
羅季莊以東湖白雲菴延无_レ无_レ編蒲而居經
七歲母亡歸_レ歸隱寧退耕席下居第二座大
傳宣似道問无_レ道舉劄于台之具如開堂演
法熟香酬佛鑒之法乳居七歲北虜兵戈系
擾寺刹乃潛過温之鴈湖內子之歲兵壓温
境舉衆逃竄无_レ獨不坐堂裏虜酋將加刃頸

无不動述一偈曰乾坤無地卓孤筇喜得人
空法亦空珍重太元三尺劍電光影裏斬春
風群虜感悔作禮而去明年復四明天童一
環溪請歸第一座己卯之年吾建長虛席副
元帥平時宗具疏幣航海聘名宿明牧以元
充選招環溪授佛鑒法衣无拈起曰師兄世
尊傳金襴外別傳何物咄過在汝殃及我乃
披衣五月離太白六月著太宰府乃安二
年也八月到相陽平帥執弟子禮邀入福山

待過月泥五年冬圓覺寺成命无為開山弟
一禪開堂之日群鹿臨筵元為吉徵即名山
以瑞鹿示眾曰參禪須是打併胸中淨潔去
卻情識中所重單單只將自己參取自己如
何參取自己既是自己因其參自己蓋緣你
被知見解會日夜老排日夜纏縛不能得解
脫不能得出頭此是第一種牢獄你若未得
許多知見解會空蕩蕩處參虛豁豁處行不
是大徹大悟也是一箇無依倚袖子只為無

依倚處是諸佛放身捨命處又曰奉勸兄弟
若已得些子柄欄入手者於祖師公案言教
中透教淨潔主賓圓互處先用後照處權實
相待處敲唱俱行處須是玲瓏八面始得既
得玲瓏八面了須是一時打疊教淨盡始得
若如此墮在毒海正旦上堂曰新頒鳳曆
下元庭山嶽齊呼萬歲聲主丈不知見甚麼
也來趁隊賀新正卻道我雖栗栗枳枳兢兢
層層要與你東挂西挂橫撐豎撐撐撐挂挂

跳出鴛鴦五湖煙浪裏別有好商量无偏倚
俊偉有作者之風其鎖口說句法步履似寶
鏡三昧近世諸老此作難矣其詞曰諸佛外
門列祖的旨繼繼繩繩貴在密密尺四寸
網紐沉細絲密無縫隱括幽秘遠方非遠近
今非通錯無所通教無不備橫豎十方聖賢
三際理外無事事外無理具一切相合一切
義皆無所開闢無所開出無所從入無所證
二今非一一今非二用則雙用置則雙置

處即宗如身影，隨出尊拈花達磨分韻。南嶽百丈臨際楊岐白雲圓悟妙喜道忞。或淨或穢，或明或暗，或行異類，或揚鏗鏘鏘，或流徽道如師子，筋如象王，真如天鼓聲如鷄鳥，尾百千機緣何沙妙偈出沒卷舒。戲深慈痛悲布無緣施，也見絕間絕情絕。具放曰：奴控惡馬，善曰：錯。日終棄魔王，旅前擲空鳴風行，塵起龍蛇天淵迷悟，金果不入。

此宗徒分持護禮應菴塔偈曰：悞入桃源深處，路灼然流水隔天涯。一聲雞唱千年後，老卻劉郎幾度花。冷泉驢猿曰：萬里吳江萬里天，五將客恨送歸舡。一聲分作三聲了，誰在巴山暮雨前。禮密菴塔曰：謾說砂盆重似山，不施三拜也應難。黃金不鑄黃金像，松竹相爭夜夜寒。與老母守歲曰：風攪長林雪滿巖，寒藤無葉倚空桑。誰知戶破家殘處，添得果客夢長題虎喙。曰：獨坐枯木崑崙一嘯風情。

悄衆生界未空我心終不飽元謂徒曰我初不欲來此土而有些子因緣故至焉我在宋禪定中堂見神人峨冠偉服手執圭兒挺特告曰願和尚降我國如是者數矣我不省何事然每神人至先一金龍來入袖中亦有群鴿子或青白之者或飛啄之態或上予膝上亦不測由及入此國一時有久語曰當境有明神曰八幡大菩薩威靈甚新師已棲斯界盡詣祠燒香一遭予因此至八幡宮視殿梁

上有數百木鴿子問之對者曰此神之使鳥耳故偶焉予即知定中之峨冠此神也老僧到此不偶然且汝等造老僧陋質膝上安鴿子及金龍以應往年之識又曰吾又夢先師說法徑山法堂上我俱衆預聽忽座前西北隅蠟燭爆火落拜席東南角其光甚熾照耀四方老僧夢中成一頌曰百丈當年捲起時今朝欬地自騰輝火星迸出新羅外不在東風著意吹覺後無所測及來此國大守一日

寄與達磨像老僧讀其贊先師手澤也末句
曰不在東風著意吹初省先夢耳四年春正
月平帥來謁元采筆書呈帥曰莫煩惱帥曰
莫煩惱何事元曰春夏之間博多擾騷而一
風纔起萬艦掃蕩願公不為寇也果海虞百
萬寇鎮西風浪俄來一時破沒初元在鴈山
定中觀音大士現形曰我將艇來取汝乃示
日月二字元起詣候前下籤亦得日月二字
此日熟香作鎖口訣就筆而成文不知熟就

床宴息有一人語曰百萬虜寇天兵助順豈
不勝耶元夢中問曰何為有此語對曰侂日
自見元覺後把筆於鎖口訣中加八字曰箭
擲空鳴風行塵起先三年平帥携繡紙乞法
語元書鎖口訣預識帥不委也寇平後帥問
曰海寇風蕩和尚自何先知平元笑曰更過
兩年說與大守然又鎖口訣中已寫呈了後
三年平帥卒九年八月元語首座照無象曰
吾有一事辨在季秋照曰何事元笑而不荅

月末示疾九月三日親書遺書別太守及諸
方亡慮數通晚以偈示衆曰諸佛凡夫同是
幻若求真相眼中埃老僧舍利包天地莫向
空山撥冷灰亥時更衣端坐索筆書曰來亦
前去亦不後百億毛頭師子現百億毛頭
師子吼置筆而逝年六十一臘四十九元兒
俊麗顧盼可法平居不卸衣而又一被上綴
伽梨供夜分其精進類此謚佛光禪師
贊曰昔百里奚在虞虞亡入秦秦興用與不

用之異也佛光生袁宋狼狽之時其道不振
矣所獲只邊疆微爾之利又或旅于人矣平
帥居桓文之位藩翰吾近是以厚聘亦幣非
二三穀皮之比也於是乎高踞上藍威偁真
宗見風濤之幾兆論原平於元戎嗚呼二國
之興亡者用舍之一翁乎

○釋山念宗國永嘉郡人也自號大休初參光
東谷聞名舉張拙秀才問長沙百千諸佛但
聞其名未審居何國土詰有省述偈呈答曰

右軍王羲之草聖官。可談書千佛榜濃。四賢詩後謁月。不第溪間。達磨華熊耳。因其集。收四歸。對曰。眼觀東南。意在西北。溪打一拂子。念當下。知解永釋。咸俾六年。集乘商船。入此土。文永六歲也。至相陽。建長。隆蘭。溪待以高賓。副元帥。平時宗鄉道望。命主禪興。精藍。炷香證。不漢。法乳。次移建長。奇福圓覺。上堂曰。禪禪無聲無臭。非方非圓。遠在何沙。國近則口皮邊。不可口投。只要心傳。翻憶昔。

通年遠事祖師元。不離西天福山提綱曰。無心應物。風行水上。自成文。匪念應機。箭在的。中非爾力。而況寒巖枯木。迫絕餘息。報緣虛幻。豈可強為蓋。以時緣逼迫。直得迴避無門。是知袒祖傳心。燈燈續焰。佛法平等了。無高下。譬如春入化機。萬卉千葩。高低向背。各各不同。隨見取舍。互有得失。然衲僧家。或卷或舒。或出或沒。自知時節。不落情量。諸聖著眼。不及甕外擬心。即羌。雖然新長老到這裏。只

得鐵作面皮大開笑口且道笑箇甚麼良久
云堪笑白雲無定度被風吹去又吹來示衆
曰從上諸大宗匠開甘露門垂示機語截鐵
斬釘除疑破執如盤走明珠不住中邊擊塗
毒鼓遠近俱喪所以道宗乘一唱三藏絕詮
機輪轉處作者猶迷此吾宗本分事非權立
漸次階梯也蓋緣此方緇白素尚教理十常
八九於達磨直指之道未深信受間有入此
宗根本不明紹興過謬多生異見揔謂教門

有所據宗門無所依遂乃廣尋文義意識分
別如水中捉月鏡裏求形卻將諸祖覲面提
持起情離見底機要隨語生解穿鑿理路通
相印證更有一等執平實無事擬心待悟者
況諸聖大解脫門唯過量人乃能徹證要須
玄路絕望量盡如冲天丹鳳翔翔碧漢出海
停龍興騰雲雨若不爾者皆依他作解記問
傳習認目前光影隨逐聲色墮斷常坑塹互
入邪途念住禪興夢觀音大士告曰逢強則

止念覺莫測後十年由建長移龜谷仰見額
有金剛字始明聖識則鑿西南一巖剏壽塔
刻補陀像指方正應二年冬寢病于鹿阜
十一月益筆還正觀寺二十九日集衆入室
晦執筆書曰拈起須彌柱擊碎虛空鼓藏身
沒影跡日輪正當午放筆而化茶毗得舍利
諸徒収龜谷塔謚佛源禪師

釋子寒宋之台州人徧游叢社普參名宿遁
於石帆衍公處止奔馳文永之間觀光上邦

建長之爾福山之隆開敞軒以待之然數祀
而歸正安元年與寧一山同舟重來平副帥
亦時待以師禮迎居圓覺大伽藍最規嚴肅
袖手而聽移晷遂長懷治元年十一月二十
八日滅壽大通禪師

釋一山寧一山寂之台州胡氏之子也幼投
郡之鴻福寺無等席下公父亦禪師子應
真淨台子其來已而熾然上外祖張益堂
頭敬簡翁又依鄧之珍庵少時書而性更

來及昭宗宗廟頌極互相移多寶奉事門則
而欽彌之好開然一日從林間作我
法與久快爾祝契之說球溪振川諸老宿
深造意軍北元美宗廟祠印寺香供讚頌
掘也居十歲移補陀山永仁六年我商舶
明境初幸已之元國相船偵天中即神靈
戮力風波破蕩元上奉心不止奇謀方計以
我鄉梓屠諭軍中撫通不付已歸道著大
宰府正安元年也副元帥平貞時傑然諸管

且州或稱軍道譽副帥元重祖道此冬延主
巨福之應華移圓覺淨智正和二年復圓規
巷化龍山初建治太上皇聞寧德望屢欲召
見於是改元帥府從軍赴上都秋入寺上皇
幸山間道春過隆源其住寶陀指山門曰海
清寧河鐘鼓鏗鏘莫是入理之門麼喝提綱
曰一向悠閑去煙水連天一向興廢來塵埃
滿面直得去來不以興動靜不以心猶是普
請邊事未出常情山僧昨日十字街頭高提

祖師心印出世間萬法一印印定直是法
法無筭今朝白花巖前敷揚古佛家風從聞
思修入三摩地盡滅煩惱便見頭頭不昧一
十二面真立眼拙三十二身東倒西插與
會得皇恩佛恩一時報畢良久天人祥生類
皆承此恩力非住福山謝兩序者舊曰普化
成禪臨濟珍重下去揚此輔佐慈明時出春
語是皆砥礪之質豈為瑚璉之材福山者裏
无眚則水清玉潔右顧則虎踞龍馳機鋒閃

皇電號令鼓風雷山僧願得放憨凝閑看峯
雲自去來雖然莫便是福山為人處麼良久
妙舞莫遮迴雪手三臺須是大家催文保元
年十月竄疾上皇時時閒候二十五日上表
告辭又書別衆曰橫行一出佛祖吞氣斷
已離絃虛空落地空然化年七十一上皇幸
寢室嗟憫仰藥宸幸賜同師之號
贊曰念也悟解純真事也號令嚴毅軍也波
瀾浩幹三師普宗地之彥而此方之英又吾

道之所因也矣

釋湛照號東山備之中州人。學遊講肆圖慧
日之熾化。更衣調之日。計不室弘安二年日
歸寂。願命。領東福照。避干諾徒四年。藤丞相
以日之訖。悲請照不得已。第二出然。退
纔圓。法歲而已。照卿開三聖之禪苑。乃移焉
正應帝詔。入宮。問道。照權萬壽帝。賜寺產四
年秋八月八。盜伺。室。季順。而化。閻維叔骨
第七之朝。其徒有之分骨者。開函舍利粲然。

不可數也。初念大休計至。或曰。大休火浴流
舍利。奇哉。照曰。然。我又作時。費子之奇哉。一
詞耳。至此。世欽照之先知焉。塔千圓通寺。賜
謚實覺禪師。

釋道海號桑田。播州人。初習教部。屬蘭溪之
煥化。改服而謁。依附者久已。而應出相之東
勝。中間或隱或顯。又起。董淨智禪興。大都懶
于領衆。動即舍去。晚屏居龜山菴。延慶二年
正月八日。滅茶毗。得舍利百餘粒。大如菽者。

數顆小者如粟諸徒塔福山西來奉側
釋昭元號無為洛城人也早攝衣於聖一之
室又優游木覺佛光之門初瑞世筑之承天
辨香記初友也繼移都之三聖東福相之瑞
鹿應長元年春仲因病辭圓覺寓寶滿寺五
月十六日書褐化開維收骨灰中舍利數粒
諸徒驚嘆其中確誠者曰諸方舍利取侮者
有諸況此小數悲例浮矯不可聞也後數日
分骨於城之塔所揭蓋五色燦爛著骨片猶

濕粟黏器諸孤相顧嘆異至此不得匿也初
拾骨時諸徒取之者數十人皆各襲藏於其
乎啓緘亦咸作舍利或全骨如琉璃者有之
其上皆黏舍利或數寸半骨半珠短長片屑
逢形爲玉又綴舍利皆能分散增益无之徒
慧永題骨及諸徒開見泉亦披之無舍利諸
徒笑曰子之矯傲也我師身後尚有意乎泉
大愧即對骨燒香禮懺經數日爲舍利府屬
婦人有惡死者聞无之舍利感異欲見之然

拘忌諱未果也屢給傳聞自耻癡惑乃令此
丘善果取來梁捧至骨片蚌瑩婦人生難遭
思親手把玩掌中忽落一兩顆舍利婦人起
立作禮悔見之晚矣鹿峯門側有老嫗就元
徒得一粒剗蓮實盛之聽分增之事思念我
舍利亦益乎便開見蓮殼碎裂為數十粒相
陽管內傳為奇事

贊曰舍利者孔老之書無聞唯浮屠氏而已
講徒寡而禪者多矣我國上古希而今世滋

矣我聞舍利者戒定慧之所薰也宜乎孔老
氏之無之乎而講寡禪多古希今滋何乎近
世舍利或有竊議者三師余之所親見而不
容偽也或問經曰輪王死貯舍利置四衢道
人氏盡來供養輪王只說世教孔老又說世
教何其輪王有舍利而孔老無乎對曰輪王
之教博而孔老之化狹矣舍利之有無者教
化之博狹乎

釋慧曉讀列人幼上睿山學台教更哀聽律

於泉涌不幾謁爾公於慧日服勤者數稔矣
又泛舶入宋周旋二洲晚依雲希叟於瑞岩
一日室中舉百丈撥火公案言下有省通附
商舶而歸痛自韜埋學徒從空閑寂寞之濱
者多正應五年承大丞相鈞旨主東福之香
記爾師之乳也其冬夜小參曰胡地抽石築
京師出大黃達磨矢巴鼻衲僧沒商量咩咩
當頭霜夜月任運落前溪謝秉拂上堂拈主云
貓有軟血之功虎有起屍之用旦問主丈子

有什麼功用下云我有四種妙用其第一節
節放太光明顯示無上道甚深微妙超有無
不住中道第一義其第二節節現大神變宣
說摩訶衍法離四句絕百非言語不可思議
其第三節節具大手段把須彌筆劈虛空紙
寫一篇章又竹松杉其第四節節出廣長舌
轉無盡藏法輪尤轉石轉轉緊轉自由自
在全無巴鼻便召大眾云要識取主丈子麼
擲下云無隱千關初就在杭州北嶺入境曉

羅虎巖一心念觀音忽大悲印像在肩上曉
心負焉以故須臾歸來挂見今在塔所其
居東福一冬無朝侍僧曰師請帶帽曉曰無
貨僧曰乞報知至曉曰一帽幾直僧曰半十
曉曰半千者可助我香積四分之一不可別
仁五年十二月二十五日化栗棘菴書褐別
衆曰來也如是去也如是更問如何如是如
是謚佛照禪師

贊曰予讀曉師挽希叟頌軸月坡明公書跋

尾載撥火事畧曰己卯之歲因此而言曉之
於希叟不爲無得也然嗣香供業日何哉大
抵師資之間不可容議者古多在焉丹霄雲
門之類是也曉亦或有似乎近世執道柄者
潭居華服受護摩印也甘枯淡又可稱矣
其辟帽者我與漢文之靈其並按焉
釋順空姓原氏郡麻山初父夢沙門語曰寓
宿得否父拒之沙門繼之問名對曰寂照覺
後不委何人自是妻陳氏有孕通父發鎮西

赴都舩次備藝之海濫空生舟中天福元年
正月一日也國俗兒生三期試問先身多有
言也父母問空對曰圓通大師父謂此名違
昔夢彼此徒爾耳經旬間倡妓歌曰寂照入
炎宋號圓通大師於是乎其父始信夢語之
不虛焉早投水上山榮其真者東福之徒也
尊會省福勢空而行自福曰此子非吾泥中
物也願所干龍門福笑而納之服侍三歲聞
蘭溪之道舉欲一瞻禮乃辭慧日之相陽溪

一夕夢得蒼眉童且謂徒曰今日佛袖至空
果告謁溪以為青華嚴之兆也命領紀綱平
副帥勸空將宋國時閒偃溪據徑山接單位
於海衆明年溪寂珥荆叟自靈隱來居主席
踰年而化肇維傳來又如荆叟之去就空歷
三老參請不倦又擬錫訪用斷溪於越之東
山寧退耕於明之萬善其西巖住太白峯道
價高東浙空遷而附巖老而倦誨策以思溪
之輩石林五峯之師友如而依焉空同族吳

越者父本鄉船便至辭林林送偈曰十載中原一棹還碧琉璃外更無山扣舷三下知誰會自作吳音唱月彎風帆無恙再觀慧日田職以記室文永七年開高城墓趾而居乳香供慧日尋而移承天正安二年鉤命主東福大道場居五歲解印浮游京甸其上堂曰山房夜雨曉來晴風葉飄來自接聲夢破小窓室生白不須雞唱報天明良又云直饒恁麼會猶是較半程又拈主云唯此一事實餘二則非

真諦丈

主丈依前黑黧皤中秋曰吾心似

月碧潭清皎潔

拈丈云

良哉老瞿雲止止不須

說

卓一云

打刀須是邠州鐵延慶元年五月九

日書揭化於雙輪之卷居壽七十六謚圓聖

禪師

贊曰棄予侍周鑑於慧日從容問曰師游宋

地謁諸名宿不知其中誰為最乎對曰偃谿

西巖我只仰望而已未幾知高低荆叟退耕

就而日淺唯石林老友於交臂主於思過矣

禪海波瀾吾雖不得而盡偏洲傍諸僊打淨
泳我昔辭林林告曰小參雖家訓又自有家
法子歸故里敲唱宗乘妙叶之一路不可亂
做也即與二篇今猶不失乃出一紙曰子自
擇焉予披之石林之親書也冬去曰擇者即
錯鐵牛剉斷黃金索不擬猶年幾手還同萬
仞崖這裏一咬便斷如花開鐵樹似事近石
頭無陰陽地儘自寬闊章茶東山山前一片
松根竹梢未曾踏者在一書拈主夫不得侵

湖果除夜日似地擎山不知山之孤峻風聲
金網越霄漢以何期如石合玉不知玉之無
瑕蛇護神珠迴風雷而未化說使翔翔霄漢
鼓蕩風雷聞者震驚見者眩惑也只聞聞地
可可地豈不見僧問洞山山年窮歲盡時如何
山云家家門底野狐兒云非鯨吞海水盡雲
出珊瑚枝予誦二篇者久欽法格之峻整今
盡于此為學者之標準又見偈及小參知林
之期鑒之不淺也矣

釋祖圓信別人也。號規菴。幼歲投相之淨妙寺。出家屬佛光之熾化。平福鹿往而依焉。光器許侍內記。弘安九年光薨。圓卷衾入洛都。謁佛心於慧日。初副元帥平時。宗見圓曰。子他時必行法檀度。而不有財檀。不成教乘名。句豈非法財乎。子之禪檀。不可不貨殖。千時心挾講譽。故就焉。心主龍山。拉圓行。屢稱於文應上皇。正應四年冬。心沒。上皇召圓繼席。時圓在巨福。踰年入寺。歲三十一。嗣香記佛。

光之乳也。冬至上堂曰。烏兔奔忙。不改舊時光彩。乾坤寂爾。猶涉造化。幹旋獨有這箇戡玄機。於未兆藏冥運。於即化還委悉。麼釋座下謝頭首。衷拂拈主云。冷匣秋波疑不流。幾人來結死怨離。文靠羸來依舊掛虛壁。一任寒光射斗牛。臘八日。六年睡熟。雪花堆透骨。寒來夢始回。滿握夜光耀天地。何須按劍立空階。圓妙年英邁。上皇晨昏參請。一夕源僕射有房。寢中心動。忽起思惟。我豈有之乎。恐宸

哀有虞乎乃馳入時上皇在龍山之下宮有
房有急劇之負上皇兀坐如思問曰卿何中
夜而至乎有房奏事上皇笑曰今日與圓舉
論宗門圓徵詰抑逼不少假也朕旗靡陣披
是以胸懷梗塞未能寐也如卿之忠襟與朕
通乎有此感來也有房扣頭曰陛下夙受佛
記喜聞思修然陛下聞思因圓師激發也臣
之愚忠又因陛下感發耳上皇首肯初佛心
領龍山宮殿樓臺未有梵製及圓一新大殿

法堂雲堂庫院山門檀林凡叢林當有者具
體而成正和二年暮春寢病四月二日辭出
偈曰一躍躍翻黃鶴樓一拳拳倒鸚鵡洲臨
行一著元無別黃鶴樓前鸚鵡洲圓丈室之
東偏手植篁竹臨亡之時竹葉委白經二三
日復青云

贊曰祖道之被日域也五傳不續矣千光之
後多間出焉然化洽相將
宁宸薄矣覃佛心闢龍山雖傾

宸衷未艾矣タヒヤカラ。圓公以英妙之姿當咫尺之
威威。參馴一。蛟龍指擣ス。鵠鷺宗門之光。晃煜雲
衢。假如圓也。庸才ソコト。謏識取侮於講儒。相道殆
廢。干草澤矣。因之而言。圓其祖道之益乎。

元亨釋書卷第八



